

«Бекітемін»

«Балаларды ерте дамыту институты»

РММ директоры

М.Адамова

2023 ж.



«Мен зерттеушімін» республикалық мектепке дейінгі жастағы балалар байқауының ЕРЕЖЕСІ

1. Жалпы ереже

1.1. Осы Ереже меншік нысанына және ведомстволық бағыныстылығына қарамастан мектепке дейінгі ұйымдар арасында балаларға арналған «Мен зерттеушімін» республикалық байқауын ұйымдастыру тәртібі мен өткізу шарттарын белгілейді, мақсаты мен міндеттерін айқындайды.

1.2. Байқау ҚР ОАМ «Балаларды ерте дамыту институты» РММ (бұдан әрі – Институт) 2023 жылға арналған жоспарына сәйкес өткізіледі.

1.3. **Мақсаты:** қоршаған әлеммен өзара қарым-қатынас жасауына қажетті танымдық және зерттеушілік әрекеттің қарапайым дағдыларын меңгерту, қарапайым экологиялық ұғымдарды қалыптастыру.

1.4. Міндеттері:

- тәрбиеленушілердің қызығушылықтарын, қажеттіліктерін, жас және жеке ерекшеліктерін ескере отырып, танымдық, шығармашылық дағдыларын, зерттеу іс-әрекетін дамыту

- балалардың қарапайым зерттеулер жүргізуге қызығушылығын қалыптастыру, тірі және өлі табиғат туралы білімдерін кеңейту;

- балалардың танымдық, коммуникативтік, креативті және сыни ойлау, командамен жұмыс істеу дағдыларын дамыту;

балаларды себеп-салдарлық байланыстарды орнатуға, зерттеу барысында жаңа ақпараттарды алуға, объектілерге зерттеу жүргізу үшін алгоритмін жасауға үйрету;

- балалардың зерттеу әрекетіне ата-аналарды тарту, қауіпсіздік ережелерін сақтау.

2. Байқауды ұйымдастыру тәртібі және өткізу шарттары

2.1. Байқауды ұйымдастырушылар – «Балаларды ерте дамыту институты» РММ, аудандық бөлімдер, облыстық, республикалық маңызы бар қалалар мен астананың білім басқармалары.

2.2. Байқауға мектеп жасына дейінгі ересек балалар, мектепалды топтары мен сыныптарының балалары қатысады.

2.3. Байқау үш кезеңде жылда өткізіледі:

I кезең – аудандық, қалалық (облыстық, республикалық маңызы бар қалалардың) деңгей (*ағымдағы жылы, ақпан*);

II кезең - облыстық (республикалық маңызы бар қалалар мен астананың) деңгейі (*ағымдағы жылы, сәуір*);

III кезең – республикалық деңгейі (*ағымдағы жылы, мамыр*).

2.4. Өңірлерде байқау өткізу туралы хабарландыруды Облыстық және Республикалық маңызы бар қалалардың және астананың білім бөлімдері (аудандық, қалалық), білім басқармалары бұқаралық ақпарат құралдарында, Интернет-ресурстарда байқау басталғанға дейін күнтізбелік 30 (отыз) күн бұрын жариялайды.

2.5. Байқаудың барлық кезеңдерінде материалдарды бағалау үшін басшылардың бұйрығымен аудан, қала (облыстық, республикалық маңызы бар қала), облыс, республикалық маңызы бар қалалар және астана (құрамы кемінде 11 адам) деңгейінде өңірлік комиссия құрылады.

2.6. Өңірлік комиссия аудандық, қалалық бөлімнің, облыстың, республикалық маңызы бар қалалардың және астананың білім басқармасының қызметкерлері, мектепке дейінгі ұйым басшылары, білікті педагогтер, әдіскерлер, ата-аналар қоғамдастығының өкілдері, бұқаралық ақпарат құралдары және т. б. қатарынан құрылады.

2.7. Өңірлік комиссия байқауға қатысушылардың ұсынылған материалдарын зерделейді және бағалайды.

2.8. Байқаудың I кезеңіне қатысу үшін қатысушы осы Ережеге 1-қосымшаға сәйкес нысан бойынша өтінім береді (байқаудың I кезеңінің нәтижелері бойынша жеңімпаздарға II кезеңге қатысуға жол беріледі; II кезеңнің нәтижелері бойынша жеңімпаздарға III кезеңге қатысуға жол беріледі), электрондық форматта мынадай құжаттар (материалдар) қоса беріледі:

1) байқауға қатысу үшін **өтінім** (осы Ереженің 1-қосымшасы);

2) аудандық, қалалық білім бөлімдерінің, облыстық, республикалық маңызы бар қалалардың және астананың білім басқармаларының **Өңірлік комиссиясының хаттамасы** (сканерленген көшірмесі);

3) **жоба** мәтіні MicrosoftWord редакторында, қаріп – Times New Roman, кегль 14 ұсынылуы тиіс (бір жоғары интервал). Жиектері стандартты: сол жақта – 3 см, оң жақта – 1 - 1,5 см, жоғарғы жағында-2 см және төменгі жағында-2 см. Барлық парақтар нөмірленеді;

4) осы Ережеге 2-қосымшаға сәйкес нысан бойынша бейнероликке қойылатын талаптар мен техникалық шарттарға сәйкес ұзақтығы 5 (бес) минутты құрайтын зерттеу жобасын қорғау барысы туралы **бейнематериал**.

5) III турда облыстың, республикалық маңызы бар қалалардың және астананың білім басқармасының **ілеспе хатының болуы** міндетті.

2.9. Байқаудың II және III кезеңдеріне жүлдегерлер, 1 және 2 орын иегерлері (4 жеңімпаздан артық емес) жіберіледі.

3. Байқауға ұсынылатын жұмыстарға қойылатын талаптар

3.1. Байқауға мектеп жасына дейінгі ересек, мектепалды топтары мен сыныптары тәрбиеленушілерінің жеке және топтық жұмыстары тәрбиелеу және білім беру тілінде ұсынылады.

3.2. Байқауға жеке қатысушылар (педагогпен немесе ата-анасымен бір тәрбиеленуші), шығармашылық топ (педагогпен немесе ата-анасымен тәрбиеленушілер (бірге 5 адамға дейін) қатыса алады. Бір автор немесе топ тек бір ғана жұмысты ұсына алады.

3.3 Бейнелер YouTube бейне платформасына жүктеледі, өтінімде сілтеме орналастырылады.

3.4. Жұмысқа қойылатын талаптар:

- 1) зерттеу жұмысының баланың жасына сәйкестігі;
- 2) зерттеу жұмысына баланың қызығушылық танытуы, өз ойын еркін жеткізуі;
- 3) зерттеу нәтижесі;
- 4) бала мен ата-ананың бірлескен әрекеті (зерттеу әрекетін бірге жасаған кезде);
- 5) зерттеу жұмыстарын жүргізу кезінде қауіпсіздік ережелерін сақтау.

3.5. Жобаны қорғау үшін қатысушылар көрнекі материалдарды қолдана алады.

3.6. Материалдар «**Мен зерттеушімін**» байқауының атауымен **2023 жылдың «12» мамырынан** кешіктірілмей i-rrrd2021@mail.ru электрондық поштасына жіберіледі. Көрсетілген мерзімнен кеш келіп түскен материалдар қаралмайды, сондай-ақ қайтарылмайды.

4. Қорытындылау, жеңімпаздарды марапаттау

4.1. «Мен зерттеушімін» байқауының республикалық кезеңінің қорытындысы бойынша мынадай жүлделі орындар белгіленеді:

- I орын;
- II орын;
- III орын.

Номинациялар:

- Тапқыр зерттеуші;
- Жас эколог;
- Креативті жұмыс;
- Жаңалық жаршысы;
- Үздік бірлескен (ата-анамен) жұмыс.

Жеңімпаздар мен жүлдегерлерді дайындаған педагогтерге сертификаттар беріледі.

4.2. Байқау қорытындылары мен жеңімпаздардың байқауға ұсынған материалдары Институттың www.irrd.kz сайтында және әлеуметтік желілерінде жарияланады.

Анықтама телефоны: 8 (7172) 28-09-50

_____ облысы бойынша
**«Мен зерттеушімін» республикалық мектепке дейінгі жастағы
балалар байқауына қатысу үшін
ӨТІНІМ**

Мектепке дейінгі ұйымның толық атауы	
Жобаны орындаушы (аты-жөні, жасы)	
Жоба жетекшісі (аты-жөні, лауазымы)	
Жоба тақырыбы	
Мақсаты, міндеттері, нәтижесі	
Іздеу-зерттеу жобасын қорғау барысы туралы бейнематериал орналастырылған YouTube платформасындағы бейненің сілтемесі	

Жобаны қорғауға арналған бейнематериал (10 балл)

Бейнематериалдың басты бетінде мектепке дейінгі ұйымның атауын; жұмыстың, жобаның атауын; авторлардың (баланың тегі, аты, жасы) және жетекшілердің (тегі, аты, әкесінің аты, лауазымы, жұмыс орны) туралы мәліметтерді көрсету қажет.

Бейнеролик ізденіс және зерттеу жұмысының барысын, нәтижесін көрнекі түрде көрсете отырып, баланың (балалардың) сөйлеген сөзін қамтуы тиіс.

Бала (балалар) зерттеудің ол (олар) үшін маңыздылығын, өзі күтетін нәтиженің болжамын, зерттеу жұмысының нәтижесін түсінікті жеткізеді.

Жұмыстың мазмұны баяндалады. Бала (балалар) зерттеу қалай жүргізілгенін, қандай әдістер қолданғанын, қандай құралдар пайдаланғанын айтады.

Алған нәтижелерін көрсетеді және бағалайды, қорытынды жасайды, тақырыптың неліктен қызықтырғанын, алдағы уақытта қандай зерттеулер жасағысы келетінін айтып береді.

Пайдалануға болады:

мультимедиялық сүйемелдеу, фото – бейне-аудиотекалар; тәжірибелер, эксперименттер, бақылаулар нәтижелері; суреттемелер, сызбалар, кестелер және т. б.

Байқау жұмысын бағалау мынадай критерийлер бойынша жүзеге асырылады:

- жобаның мәлімделген тақырыпқа, жас санатына сәйкестігі;
- мақсат, міндеттер мен нәтижені қалыптастырудың бар болуы және сауаттылығы;
- материалды ұсынудың қисындылығы мен дәйектілігі;
- жұмыстың жүйелілігі;
- жоба бойынша жұмыстың әртүрлі кезеңдерін орындауда баланың (балалардың) дербестік дәрежесі;
- шығармашылық тәсіл;
- материалдың жоба тақырыбына сәйкестігі;
- жобаның эстетикалық дизайн деңгейі.

Бейнематериалдың техникалық сипаттамалары:

- төмен рұқсаттылығы – 720 x 480 (12:8 см);
- жобаның презентациясымен бірге бейнематериалдың ұзақтығы – 5 (бес) минуттан аспау керек.

Жобаны қорғау барысы туралы бейнеролик өтінімге сілтеме орналастыра отырып, YouTube бейне платформасына жүктеледі.